


soscripcion a la plega *A Tots* 2024

Dempuei 1974, la collection *A Tots* es dedicada a la pròsa occitana contemporanèia. Un còp mai, l'IEO-Edicions presenta la « Plega », un ensemble de 4 noveutats en soscripcion. La soscripcion es mai que tot un biais de finançar l'edicion occitana. Quo es tanben una faïçon agradiva, en comprar l'ensemble daus 4 libres a un pretz redusit, de partir a la descuberta daus autors, de lor univèrs, mai de la varietat e de la richessa de la lenga occitana.

Lo pretz de la soscripcion per los 4 libres es de 46 € (au luòc de 55 €), frais de mandadís inclús. Es duberta jusqu'au 25 de decembre 2024, e los libres sirán mandats aus soscriptors per la fin de l'annada 2024.

(soscripcion sus lo site d'IDECO o emb lo bulletin de soscripcion en fin de document)



Jòrdi Peladan. *Bruga, feuse e genèsta*

Sempre de pè la beluguejanta detectiva, Margarida Cercamond, acompanhada de sos complicis costumièrs, s'acara a desembolhar un crime afròs sus fons d'agarriment escolar, e d'auvaris de totas menas, violacions de bens e de gents. Son enquèsta la menarà dins los serres cevenòls de long del camin de Stevenson al rescontre de monde de l'endrech.


Jòrdi Peladan es nascut lo 20 de mai de 1938 a Alès d'una familha cevenòla. Demòra a Nimes mas a servat l'ostal pairal, un mas perdut de la Cevena. A ensenhat las matematicas a l'Universitat de Montpelhièr. Diplomat d'occitan, ensenha aquela lenga dins diferents talhièrs. Foguèt membre del conselh d'administracion foguèt e president de sa seccion Lengadòc. Es ara president d'onor de la MARPOC.

A Tots Crimis n°241 (roman). 200 p. 15 € ISBN: 978-2-85910-649-2

Josí Guilhòt-Gentialon. *Gambier l'òme sens nom*

Una jòna femna, la Paulina, raconta que dins un vialatge passava e tornava passar un òme jamai nommat par son nom. Una vèlha femna, la Celestina, pòrta l'istòria d'aquel òme e la raconta pauc a pauc a la jòna venguda de la viala. Li dirà un secrèt. La societat fabrica de tots temps la marginalitat e pòt mèsme menar a d'intrigas, de suspicions, de dobtes, de desfisança. La vèlha fai tornar viure un temps e mei las doas femnas 'quò vai e ven dau passat au present.

Josí Guilhòt-Gentialon es nascuda a Clarmont d'Auvenhe e viu a Tiern. Contairitz, escrivana, es l'autora de *Femnas*, (Ostal del libre, 2008), a participat a divèrs obratges collectiu, e publicat novelas, poemas e cronicas, en particular dins *Parlem*, revista trimestriala auvernata e vellava. Presidenta de l'IEO 63 pendent 16 ans, n'es actualament vice-presidenta.



A Tots n°242 (roman). 118 p. 11 € ISBN: 978-2-85910-650-8



Michel Fraysse. *L'Estiu coma un ocean*

A vint ans e de poscas, Joan, inchalhent, apatic e fug-l'òbra, es presonier d'una vida estequida. A vint ans e de poscas, Joan, inchalhent, apatic e fug-l'òbra, es presonier d'una vida estequida. Cròcamòrt, estudiant, magazinier – entre autres mestiers –, tempta sens conviccion de se'n sortir. D'una vila occitana a Jerusalèm en passant per París, son itinerari nos entraïna dins d'aventuras picarescas e comico-sentimentalas.

Michel Fraysse, nascut a Tolosa, a viscut a Barcelona, Lyon e París. Ara viu e trabalha a Tolosa. En francés, es l'autor del roman *Ferveur Violette* (Edicions Vent Terral). Après *Los Beatles de Sant Çubran* (IEO edicions) *L'Estiu coma un ocean* es son segond roman en occitan.

A Tots n°243 (roman). 276 p. 16 € ISBN: 978-2-85910-651-5


Joan Ganhaire. *Meschant temps a Maraval*

« Lo parc de Barra Miegiorn era plan plasant, d'avesat. En questa fin d'aprep miegiorn d'octòbre, los rais obliques dau solelh aurián degut esflambejar lo tapis de fuelhas rossas que los grands aubres 'vián desjà escampilhadas per las alèias e las pelusas. Mas i aviá quauquaren que empaichava de jauvir completament de l'espectacle. Quò era un còrs esplamit de bocha-dents meitat sus l'erba e la gravilha. Una femna. Gròssa. Vielha. Mòrta. »

La darriera enquesta – la darriera de las darrieras – de la lonja carriera d'Alexandre Darnauguilhem, lo famós commissari de Maraval, en Nauta Dordonha.

Joan Ganhaire, nascut en 1941, es un escrivan perigòrd qu'escriu sas òbras en lemosin. Après daus estudis segondaris a Periguers e de medecina a Bordeu, s'installèt coma metge en Perigòrd ente naisset sa vocacion d'escrivan occitan. Obtenguèt lo Prèmi Jaufre Rudèl en 2001 per *Lo viatge aquitan*.

A Tots Crimis n°244 (roman). 148 p. 13 € ISBN: 978-2-85910-652-2



Bon de souscription « A TOTS » 2024 (offre réservée aux particuliers)

Prix unitaire (envoi inclus) :	Quantité	Total
46 €	X	= €

Nom : Prénom :

Adresse :

Code postal : Ville :

À joindre à votre règlement par chèque à l'ordre de IEO-IDEKO et à envoyer à :

IEO Edicions (IEO IDEKO)

1 rue des anciens combattants, ZA de la plaine Saint-Martin, 81700 Puylaurens.

(Pour toute information, contacter ieo-edicions@ieo-oc.org (merci de préciser l'objet : « Plega 2024 »).